

大治縣志

地 260:27
32
:1-4

序

志曷昉乎蒙莊氏曰齊
諧者志恠者也春秋時
有所謂楚書鄭志今不
可得而見矣司馬氏爲

大冶縣志

余序

入書不載地理地理之
有志曷昉乎右尹曰是
能讀八索九丘九丘九
州之志也禹貢略言大
者曰地理則孟堅創爲



之曰溝洫則卽子長之
河渠蓋地理之端以志
名自孟堅氏昉也劉五
知幾綜論襍志但曰都
邑氏族人物其曰夏書

編於禹貢周書托於王

會觀之者擅其博學聞

之者騁其多識又當有

方物志然綜以名緒歸

之都邑郡國或未及焉

華陽一書始端以一國
名郡國之名有志自華
陽昉也我

皇上以睿聖之姿留心藝術
甲帳橫經乙夜較史而

尤注意於方畷地志

御極之十有一年

詔天下修纂通志及各郡

邑志邑志成上之府府

志成上之各布政司司

合諸府志修之爲通志
然未幾而有滇南之警
吾鄉武昌旣四戰地臨
江而下二百里至道士
汛俯大江爲吾邑北界

吾邑面山俯湖不宜於
雉堞又當戎馬倥傯時
邑有亡命揭竿者雖不
崇朝殄滅人有戒心故
無問郡志雖邑志亦未

及成也又十年爲癸亥
詔書再下督催通志甚亟
而三韓陳侯方令

大治於是郎前令謝侯
纂輯未竟之緒爲

之編綴勾稽屢搔其條
例補續所未備不數月
而書成以余家世邑人
且於邑有一日之長走
使數千里函書見示且

屬爲序以弁其簡端時
余方奉

命撫吳適有通志之役江
南原無省志比之他省
採輯爲艱兢兢不敢簡

略遍集屬郡屬邑之志
而讀之見其訛謬缺遺
絃一漏萬稱良史者不
數數見因以深歎史才
之未易而蒼叢裁別之

難言也且以知通志與
郡邑志之無容偏廢文
獻故實咸於邑志取詳
焉通志取要邑志取詳
郡志在詳略之間非邑

志之詳而無所得要也

且志者史氏之一端耳

然志隱于史則略地理

又志之一端耳地理之

事隱於各志則又略也

名之曰志而天文五行
風俗食貨溝洫藝文以
他志歸伍列焉帝王人
物以紀傳歸分部焉是
志與史又相爲表裏志

附史而史尊史又附志
而志重矣卽以吾邑論
之山川物產風土鄉先
喆仕宦之蹟通志所存
無幾耳郡志十二三耳

形勢改易時會遷移或
昔異於今或近殊於遠
又如伯符公瑾攻戰之
略宋祖曹王指顧計畫
之遺吳王潛蟄之區琦

珩讀書志和垂鈞之地
博錢吹簫之靈恠磁湖
漳源河湫之險阻白雉
東方西塞諸山之名勝
使載之郡乘已不勝其

繁矣且地屬武昌與國
間而風氣之醇朴異土
膏之饒瘠異金粟之死
生異廣袤不過二百里
與清門望族鄉邦之潛

德理學經濟之士大夫
指不勝屈非邑志孰爲
詳之者猶憶余年未及
舞象邑中中流氛銅馬
青犢盤踞虛市余以依

劄同家大兄在寧南師
中親隨孤軍轉戰數旬
而後克復城社頽垣瓦
礫鬼哭狐嗥會同家大
兄往拜諸先坟荒徼豁

谷窮堡僻砦靡所不到

蓋知一邑雖小紀述有
不可不詳者陳侯以簿

書期會之次延聘儒碩
相與窮晝晷續宵漏丹

鉛塗乙博攷詳辦書成
於數月之內而臚數世
上下百千年事無不較
若列眉此固孟堅之所
未盡而知幾之所却步

也且其爲書也博而不
誕質而不俚瞻而不華
雖以比於古之良史無
譏焉况乎旣驗風俗亦
徵土物典除所概不廢

休文之符瑞流別所傳
兼叔伯起之釋老將不
獨誦讀韋帶之儒援据
有徵景行可慕且凡官
於其地者披卷閱之一

邑之封疆阨塞風俗之
沿流得失利弊之端緒
民生之艱難疾蠹政事
之所宜先無事之防之
所宜預青山冶鑄之所

宜講求皆可得之凡案
之間而舉而措之爲循
卓神明之事業其於
聖天子加意閭閻之意與
夫良有司承流宣化之

方不大有裨益乎故余
不辭而序之若夫陳侯
以通識敏慮總其成于
上而前此謝侯之經始
與余媯戚孝廉胡君繩

祖暨令子夢發爲邑名
諸生作述有自稱良史
才共膺厥任而余第國
梅亦以舊學淵源通曉
大義較讐搜葺實有勞

焉不可泯也例得附及
以庶幾垂之不朽云
嘗

康熙二十二年秋八月
中浣邑人余國柱題

風國
莊

虛

余序